

PROGRAM
javne rasprave o Nacrtu Zakona o izmjenama i dopunama
Zakona o srednjem obrazovanju i odgoju

Javna rasprava o Nacrtu Zakona o izmjenama i dopunama Zakona o srednjem obrazovanju i odgoju provest će se na sljedeći način:

Na tekst Nacrta Zakona o izmjenama i dopunama Zakona o srednjem obrazovanju i odgoju prijedloge, primjedbe, sugestije i mišljenja mogu dostaviti sljedeći subjekti:

1. Pedagoški zavod Tuzlanskog kantona,
2. Kantonalna uprava za inspekcijske poslove,
3. Sva ministarstva u Vladi Tuzlanskog kantona,
4. Sindikat srednjeg i visokog obrazovanja, odgoja, nauke i kulture Bosne i Hercegovine – Kantonalni odbor Tuzlanskog kantona,
5. Aktiv direktora srednjih škola Tuzlanskog kantona.

Zadužuje se Kantonalna uprava za inspekcijske poslove Tuzla da posebno razmotri važeća materijalno-pravna i procesna rješenja sadržana u važećem Zakonu o srednjem obrazovanju i odgoju i predmetnom nacrtu, te Ministarstvu obrazovanja i nauke Tuzlanskog kantona dostavi primjedbe, prijedloge, sugestije i mišljenja u dijelu koji se odnosi na provođenje inspekcijskog nadzora i drugih segmenata sadržanih u zakonu bitnih za odgovarajuće provođenje inspekcijskog nadzora u oblasti srednjeg obrazovanja i odgoja.

Svoje primjedbe, prijedloge, sugestije i mišljenja učesnici javne rasprave dostavit će Ministarstvu obrazovanja i nauke Tuzlanskog kantona u roku od 30 dana od dana utvrđivanja Nacrta Zakona o izmjenama i dopunama Zakona o srednjem obrazovanju i odgoju od strane Skupštine Tuzlanskog kantona, na adresu Fra Grge Martića broj 8, Tuzla – Centralna pisarnica kantonalnih organa Tuzlanskog kantona.

Po isteku roka za dostavljanje primjedbi, prijedloga, sugestija i mišljenja, organizovat će se rasprava na Okruglom stolu, nakon čega će Ministarstvo obrazovanja i nauke Tuzlanskog kantona sumirati rezultate javne rasprave i sačiniti izvještaj o provedenoj javnoj raspravi, nakon čega će Vlada Tuzlanskog kantona utvrditi Prijedlog Zakona o izmjenama i dopunama Zakona o srednjem obrazovanju i odgoju i isti uputiti u dalju skupštinsku proceduru na usvajanje.

Rasprava na Okruglom stolu održat će se u prostorijama Ministarstva obrazovanja i nauke Tuzlanskog kantona ili na drugoj odgovarajućoj lokaciji, o čemu će svi zainteresovani subjekti biti obaviješteni putem internet stranice Ministarstva obrazovanja i nauke Tuzlanskog kantona (www.montk.gov.ba).

Tekst Nacrta Zakona o izmjenama i dopunama Zakona o srednjem obrazovanju i odgoju može se preuzeti na internet stranici Vlade Tuzlanskog kantona (www.vladatk.kim.ba) i Ministarstva obrazovanja i nauke Tuzlanskog kantona (www.montk.gov.ba).

MINISTARSTVO OBRAZOVANJA I NAUKE